



შირაკი

SHIRAKI

www.open.ge

გამოცემის 1937 წლიდან

დედოფლისწყაროს მუნიციპალიტეტის გაზეთი


№33 (9.647)

6-13 სექტემბერი 2014 წელი

ფასი: 50 თეთრი

ყოველკვირეული გამოცემა

ნატოს სამიტი და საქართველო



ვიღრე ნატოს ლიდერები უელსის სამიტზე კონკრეტულ და ერთიან გადაწყვეტილებას მიიღებენ, საბარტოველოს მოლოდინი ზერისა და ნინასნარ გაკეთებულ განცხადებასა და ვარაუდებს ეფუძნება.

უელსის სამიტი ჩვენ კიდევ უფრო დაგვაახლოებს ნატოსთან და ქვეყნის განვითარების კიდევ უფრო მეტი შესაძლებლობა გაგვიჩნდება, - ამის შესახებ საქართველოს პრემიერ-მინისტრმა ირაკლი ლარიბაშვილმა მთავრობის სხდომაზე განაცხადა.

მთავრობის მეთაურის შეფასებით, საქართველოს დღევანდელი ნატოს უელსის სამიტზე ძალიან ღირსეულად და ნარმატივულად გამოდის.

„დღეს დაველოდებით საბოლოო ინფორმაციას. დარწმუნებული ვარ, სათანადოდ შეფასდება ყველა ის პროგნოზი, რასაც ჩვენ მივალნიეთ. აღნიშნული სამიტი კიდევ უფრო დაგვაახლოებს ნატოსთან, კიდევ უფრო მეტი შესაძლებლობა გაგვიჩნდება, რომ განვითაროთ ჩვენი ქვეყანა. ჩვენი მთავრობა ყველაფერს აკეთებს, რომ ქვეყანა წინ წავიდეს და მაქსიმალურად დაცული ვიყოთ მომავალში“, - აღნიშნა ირაკლი ლარიბაშვილმა.

საქართველოს პრეზიდენტმა, გიორგი მარგველაშვილმა უელსის ნატოს სამიტის მიმდინარეობა შეაფასა. როგორც პრეზიდენტმა ურნალისტებს განუცხადა, ეს იყო ყველაზე მნიშვნელოვანი დღე არა მარტო საქართველოსთვის, არამედ იმ პრობლემებისთვის, რაც დგას ჩრდილოატლანტიკური ალიანსის წინაშე. „ჩვენ გვქონდა შესაძლებლობა, როგორც ფორმალური, ასევე არაფორმალური შეხვედრების დროს მოკავშირეებთან კიდევ ერთხელ გვესაუბრა ჩვენი ჩართულობის, ჩვენი მომავალი გეგმების შესახებ. მე მინდა კიდევ ერთხელ დავუდასტურო ქართველ ხალხს, რომ ფაქტობრივად ყველა ქვეყანა ძალიან აფასებს საქართველოს როლს, იმ პროგრესს, რასაც საქართველომ მიაღწია და იმ წინ გადადგმულ ნაბიჯებს, რომელიც ჩვენ გვახლოვებს ალიანსის წევრობისკენ“, - განაცხადა გიორგი მარგველაშვილმა.

(გაგრძელება გვ.5)

წყლის პრობლემა კვლავ აქტუალურია

„ბოლო ხანსაც უპრეცედენტო გვალვა გრძელდება. რის გამოც დაზარალებულნი ვართ ყველაფერი, რასაც გვაქვს“...

წყალმომარაგების პრობლემა დედოფლისწყაროში კვლავაც მწვავედ დგას, ერთ-ერთ მთავარ მიზეზად კი დებეტის უკმარისობა სახელდება. მით უფრო, ცნობილია რომ, ბოლო ხანს აბონენტთა რიცხვი გასულ წლებთან შედარებით მკვეთრად გაიზარდა. ჯერ კიდევ მიმდინარე წლის მაისის თვეში დედოფლისწყაროს გეოლოგების ჯგუფი ენვია, შეირჩა სპეციალური ადგილები, სადაც დამატებითი ჭაბურღილები გაიჭრება, რის შემდეგაც თავი დაიხრებენ დებეტის წყლის რეზერვუარში წყლის დებეტის ზრდა მოხდება. ზაფხულის ხვატის ფონზე უწყლობისგან განსამეხობილი დედოფლისწყაროელები იმედს ახალ ჭაბურღილებზე ამყარებდნენ და მიიჩნევდნენ, რომ ალტერნატიული რესურსის აღმოჩენის შემდეგ შემანუხებელი გრაფიკი თუ არ მოიხსნებოდა, გაუმჯობესდებოდა მინც. თუმცა, შემოდგომა ისე დადგა, გრაფიკი სულ უფრო უარესდება და საიმედო ძვრები არ ჩანს. როგორც „შირაქმა“ გაარკვია, მიუხედავად იმისა, რომ

ახალი წერტილები საბოლოოდ შეირჩა, სამუშაოები კვლავაც არ დაწყებულა. წყლის დებეტის მატება განსაკუთრებულ მნიშვნელობას ზაფხულში იძენს, ამდენად „შირაქი“ დაინტერესდა, რატომ გაჭიანურდა პროცესი და რატომ ვერ მოესწრო სამუშაოები ამავე სეზონზე. ამ კითხვებით გაერთიანებული წყალმომარაგების კომპანიის დედოფლისწყაროს სერვისცენტრის მენეჯერს გია გოგილაშვილს მივმართეთ. თავდაპირველად ითქვა, რომ საჭირო თანხები მოძიებული არ იყო, ახლა კი ირკვევა, რომ პროექტის დაფინანსებას წყალმომარაგების კომპანია თავად უზრუნველყოფს. გია გოგილაშვილი: „ბოლო ხანსაც უპრეცედენტო გვალვა გრძელდებოდა, რის გამოც დებეტი ფაქტობრივად განახევრებულია. მაგალითისთვის, შარშან ამ დროს ნაშში 32 ლიტრი გვქონდა, ამჯერად კი 17 ლიტრი გვაქვს. გასულ წელს ჩვენმა კომპანიამ აითვისა ახალი სათავე, რომელიც

რეზერვუარს დაუზღავდა და 900-1000 მეტრ კუბი დაემატა. დღეს ეს შესაძლებლობები განახევრებულია. მოსახლეობაც მიჩვეული იყო 24 საათიან მომარაგებას და ახლა უჭირთ რეალობასთან შეგუება, რაც უკმაყოფილებას იწვევს. ყველას აქვს სურვილი, უწყვეტად მიენოდებოდეთ, მაგრამ გაგებით ეკიდებიან, რადგან საკმარისი მარაგი არ არის. გვაქვს ისეთი უბნებიც, სადაც ფიზიკურად ვერ ვანვით წყალს, ასეთი ქალაქის ტერიტორიაზე სამი ქუჩაა. თუმცა, ამ ეტაპზე ქალაქის აბონენტებისთვის დღევამდღე ვინარჩუნებთ ექვს საათიან გრაფიკს. - რაც შეეხება სოფლებს ხორნაბუჯსა და სამრეკლოს... - ხორნაბუჯს და სამრეკლოს ნახევარს, რომლებიც ქალაქის მკვეთრად ქსელზეა მიბმული, მათთან ცისტერნებით შეგვაქვს წყალი და ასე ვამარაგებთ მოსახლეობას. ხორნაბუჯი იცით, რომ დაბალ ადგილზეა გაშენებული, ადგილობრივი მოსახლეობის 80%-ს ეზოში საკუთარი ჭები

აქვთ, მაგრამ საქმე იმაშია, რომ ეს საოჯახო ჭებიც შრება. მათ ნახევარს უკვე დაუშრა ჭები და ვეღარ სარგებლობენ. ამიტომ, იძულებული ვართ, რომ სოფელ ხორნაბუჯში 15 ქუჩა ავტოციტერნებით მოვამარაგოთ საჭირო წყლით. - ანუ, მეზობელ სოფლებში არანაირი გრაფიკი არ მოქმედებს და წყალმომარაგება მთლიანად შეწყვეტილია? - ფაქტიურად, ამ ეტაპზე, სოფლებს ვერ ვანვით წყალს, რადგან სხვა შემთხვევაში ქალაქს ვეღარ გავანვით და იძულებული ვართ სოფლები დავარღვიოთ. რადგან ქალაქში მრავალსართულიანი კორპუსებია, აუცილებლობა მოითხოვს რომ მათზეც ვიზრუნოთ. რთულია, როცა მრავალსართულიან საცხოვრებელ სახლებს წყალი არ აქვთ. - რადგან კორპუსები ახსენეთ, მინდა გკითხოთ, კორპუსების მაცხოვრებლები უკმაყოფილებას გამოხატავენ იმაზეც, რომ წყალი ზედა სართულებამდე ვერ აღწევს, წვევის პრობლემაც არის რეალურად? - ცხადია, წვევის პრობლემაც შეგვექმნა, რადგან რეზერვუარში 1,70 - 1,80 მეტრ სიმაღლეზე ვიჭერთ წვევას, როცა მანამდე 4,0 - 4,5 მეტრზე გვქონდა ხოლმე. ამ ბოლო ხანს სარწყავი ალარ-ფერია და ალბათ მოსახლეობა ალარ რწყავს ბოსტანს, ამიტომ, უნდა ითქვას, რომ სიტუაციის გამოსწორებისკენ მივდივართ. როგორც ვიცი, ბოლო დღეებში კორპუსებშიც თავისუფლად ადის წყალი. ბევრი გვირეკავს ამ საკითხზე და ვაკონსტროლებთ ვითარებას. განსაკუთრებით მიკრორაიონში, 47-ე კორპუსსა და ჰერეთის ქუჩის კორპუსებში ფიქსირდებოდა ეს პრობლემა, რომ ბოლო სართულებამდე ვერ აღიოდა წყალი. - ბატონო გია, ამ სიტუაციიდან საბოლოო გამოსავალი რაშია, დებეტის გასაზრდელად ტემპერატურის ვარდნასა და ნალექებს უნდა ველოდეთ, თუ სხვა პერსპექტივაც არსებობს... (გაგრძელება გვ.3)

მკანასოვანი ბავშვები დროში გაქრება
მედიკალიზაცია
აქვს

გვ. 4

პრაქტიკური გარემო
დანაგვიანებისთვის
ჯარიმების
გამაქრებას
ითხოვს
გვ. 2

რთველის
მიმდინარეობით
დაინტერესდნენ

გვ. 3

„დედოფლისწყაროს საათი“
კვირა 17:30

შედი-კავშირის
ობიექტის

პრემიერ-მინისტრი გარემოს დანაგვიანებისთვის ჯარიმების გამკაცრებას ითხოვს



პრემიერ-მინისტრი გარემოს დანაგვიანებისთვის ჯარიმების გამკაცრებას ითხოვს. ამ საკითხზე ირაკლი ლაბიჯაშვილმა მთავრობის სხდომაზე

ისაუბრა და გარემოს დაცვის მინისტრს შესაბამისი დავალება მისცა.

„სამწუხაროდ, ზოგიერთი ადამიანი ანაგვიანებს გარემოს და ყრის ნაგავს იქ, სადაც არ შეიძლება ამის გაკეთება - პირდაპირ მანქანებიდან, ასე უსირცხვილოდ ხდება ამის გაკეთება. მე უკვე გავიარე სტრატეგია, რომელიც მოამზადა გარემოს დაცვის მინისტრმა - საუბარია იმაზე, რომ მაქსიმალურად გამკაცრდეს ნაგვის დაყრასთან დაკავშირებული ადმინისტრაციული ჯარიმები - მინდა მოგინდოთ, რომ მაქსიმალურად გაამკაცრეთ ჯარიმები და ყველა ის ადამიანი, რომელიც ასე უპასუხისმგებლოდ მოიქცევა, მაქსიმალურად დააჯარიმეთ“, - მიმართა პრემიერ-მინისტრმა გარემოს დაცვის მინისტრს.

ოფიციალური დელეგაცია სტუმრად გერმანიაში გაემგზავრა

7 სექტემბერს გერმანიის საერთაშორისო თანამშრომლობის (GIZ)-ის მიწვევით გერმანიის ფედერაციულ რესპუბლიკაში საქართველოდან თექვსმეტკაციანი დელეგაცია მიემგზავრება. დელეგაციის წევრებს მუნიციპალიტეტებიდან დელეგაციის შემადგენლობაში იმყოფებიან დედოფლისწყაროს მუნიციპალიტეტის საკრებულოს თავმჯდომარე ზვიად ჯავახიშვილი, საკრებულოს თავმჯდომარის მოადგილე ნუგზარ პაპიაშვილი, მუნიციპალიტეტის გამგებელი ნიკოლოზ ჯანიაშვილი და დეკანოზი პეტრე ხუმაბაშვილი. დელეგაციის შემადგენლობაში ასევე იმყოფება სახელმწიფო რწმუნებული კახეთის მხარეში ირაკლი შიოლაშვილი. პროექტი მიზნად ისახავს სოფლის მეურნეობისა და ბიომრავალფეროვნების დაცვის სფეროში ქართული მხარისათვის გერმანული გამოცდილების გაზიარებასა და სამომავლო თანამშრომლობის გაღრმავებას.

ქართულ დელეგაციას მასპინძლობას გერმანიის საერთაშორისო თანამშრომლობის ორგანიზაციასთან ერთად გერმანიის ეკონომიკური თანამშრომლობისა და განვითარების ფედერალური სამინისტროც (BMZ) გაუწევს. ერთკვირიანი სასწავლო ტური 13 სექტემბერს დასრულდება.

საქართველოს აშშ-ის თავდაცვის მინისტრი ეწვევა

6 სექტემბერს თბილისს ეწვევა აშშ-ის თავდაცვის მინისტრი ჩაკ ჰეიგელი - ამის შესახებ ინფორმაციას საქართველოს თავდაცვის სამინისტროდან ავრცელებს. ჩაკ ჰეიგელი ქართველ კოლეგას ირაკლი ალასანიას შეხვდება. დაგეგმილია თავდაცვის მინისტრების ერთობლივი პრეს-კონფერენციაც. 6 სექტემბერსვე ჰეიგელი ესტუმრება კრწანისის ეროვნულ სასწავლო ცენტრს, სადაც სიტყვით მიმართავს ქართველ და ამერიკელ სამხედროებს.

საქართველო უკრაინიდან 130 ბავშვს უმასპინძლებს

საქართველო უკრაინიდან 130 ბავშვს უმასპინძლებს, - ამის შესახებ ჟურნალისტებს მთავრობის დღევანდელი სხდომის დასრულების შემდეგ სპორტისა და ახალგაზრდობის საქმეთა მინისტრმა ლევან ყიფიანმა განუცხადა. „საქართველოს მთავრობამ მიიღო გადაწყვეტილება, რომ დაეხმარათ აღმოსავლეთ უკრაინაში მცხოვრებ დაზარალებულ ბავშვებს - გავგზავნოთ იქ თვითმფრინავი და ჩამოვიყვანოთ 130 ბავშვი თანმხლები პირებით“, - განაცხადა მინისტრმა. ყიფიანის განმარტებით, სია, კონკრეტულად რომელი რეგიონებიდან მოხდება ბავშვების ჩამოყვანა, დგინდება. „პროცესში აქტიურადაა ჩართული, როგორც ჩვენი, ისე უკრაინის სამინისტრო და დიასპორის საკითხებში სახელმწიფო მინისტრის აპარატი. ასევე ჩვენი საელჩო უკრაინაში. ჩვენ მზად ვართ დახმარების ხელი გავუწოდოთ ჩვენს უკრაინელ მეგობრებს“, - აღნიშნა ყიფიანმა.

თუა წულუკიანი - მთავრობა იქნება მკაცრი მათთან, ვინც იარაღის უკანონოდ ტარებას და თანატოლზე ხელის აღმართვას გაბედავს

ოუსტიციის სამინისტრო იარაღის ტარებასთან დაკავშირებული რეგულაციების გამკაცრების შესახებ კანონპროექტს მთავრობის მომავალ სხდომაზე წარადგენს, - ამის შესახებ ჟურნალისტებს მთავრობის 5 სექტემბრის სხდომის შემდეგ ოუსტიციის მინისტრმა, თუა წულუკიანმა განუცხადა.

მისივე განმარტებით, ახალგაზრდებმა უნდა იცოდნენ, რომ მთავრობა იქნება მკაცრი მათთან ბრძოლაში, ვინც იარაღის უკანონოდ ტარებას და თანატოლზე ხელის აღმართვას გაბედავს.

„რა თქმა უნდა, იმ დანაშაულთან ბრძოლა, რომელიც არის მიმართული სიცოცხლისა და ჯანმრთელობის წინააღმდეგ, უნდა იყოს მკაცრი. ამ ბრძოლაში არ უნდა დაგვავინყდეს ადამიანის უფლებები, მაგრამ აუცილებელია და დავალება მივიღოთ, რომ შს სამინისტრომ პრევენციული ღონისძიებები გაატაროს, რათა თითოეულმა ახალგაზრდამ იცოდეს - იარაღის უკანონო ტარება, იქნება ეს ცივი იარაღი თუ ცეცხლსასროლი იარაღი, არ არის კანონით დაშვებული. ოუსტიციის სამინისტრო მთავრობას მომავალ სხდომაზე წარუდგენს კანონპროექტს პაპეტს, რომლითაც გამკაცრდება იარაღის, მით უმეტეს ცეცხლსასროლი იარაღის უკანონო ტარების შესახებ ჩვენს კანონებში არსებული ნორმები, აღნიშნა ოუსტიციის მინისტრმა.

მისივე თქმით, კანონპროექტი მთავრობას რამდენიმე დღეში წარედგინება. „თუმცა, მინდა რომ უკვე ამ წუთიდან მოხდეს ყველა ახალგაზრდის გაფრთხილება იმასთან დაკავშირებით, რომ მთავრობა იქნება მკაცრი მათთან ბრძოლაში, ვინც იარაღის უკანონო ტარებას და თავის თანატოლზე ხელის აღმართვას გაბედავს“, - განაცხადა თუა წულუკიანმა.

გაცვლით საგანმანათლებლო პროგრამებთან დაკავშირებული საკითხები კანონით მოწესრიგდება

საქართველოს და უცხო ქვეყნის უმაღლეს საგანმანათლებლო დაწესებულებებს შორის გაცვლითი პროგრამების განხორციელებასთან და მასში სტუდენტების მონაწილეობასთან დაკავშირებული საკითხები კანონით დარეგულირდება.

გაცვლითი საგანმანათლებლო პროგრამებთან დაკავშირებით „უმაღლესი განათლების შესახებ“ კანონის რამდენიმე ახალი მუხლი ემატება.

პროექტის მიხედვით, გაცვლითი საგანმანათლებლო პროგრამის ფარგლებში საქართველოში ჩამოსული სტუდენტი უმაღლესი საგანმანათლებლო დაწესებულების პროგრამაზე დაწესებულების ხელმძღვანელის აქტით დიშვილს და ის დაწესებულებას სტუდენტთა საერთო რაოდენობაში არ ჩაეთვლება. საქართველოდან გაცვლითი პროგრამის ფარგლებში წასულ სტუდენტებს კი, სტუდენტის სტატუსი არ შეუჩერდებათ - ისინი დაწესებულების აქტიურ სტუდენტებად ჩაითვლებიან და მათზე კანონით დადგენილი შესაბამისი პირობები გავრცელდება.

პროექტის გათვალისწინებით, უმაღლესი სასწავლებელი ვალდებული იქნება, უცხო ქვეყნის უმაღლეს საგანმანათლებლო დაწესებულებასთან ხელშეკრულების დადებამდე, განათლების ხარისხის განვითარების ეროვნული ცენტრისგან მიიღოს ნერილობითი ინფორმაცია, შესაბამისი სასწავლებლის აღიარების შესახებ.

კრედიტების აღიარება მხოლოდ იმ შემთხვევაში მოხდება, თუ გაცვლითი საგანმანათლებლო პროგრამაში მონაწილე სტუდენტს კრედიტი აღიარებულ უმაღლეს საგანმანათლებლო დაწესებულებაში ექნება მიღებული.

„უმაღლესი განათლების შესახებ“ კანონში დაგეგმილი ცვლილებები განათლებისა და მეცნიერების სამინისტრომ მოამზადა. პროექტი განსახილველად პარლამენტს უკვე წარედგინა.

სკოლებში სწავლა 15 სექტემბერს დაიწება



საქართველოს განათლებისა და მეცნიერების მინისტრის N84/ნ ბრძანებაში განხორციელებული ცვლილების შესაბამისად, საქართველოს ზოგადსაგანმანათლებლო დაწესებულებებში სასწავლო წლის დაწყების თარიღი დადგინდა 10 სექტემბერს.

ლად განისაზღვრა 10 სექტემბრის შემდგომი პირველი ორშაბათი (15 სექტემბერი), ხოლო დასრულების თარიღად - 10 ივნისის შემდგომი პირველი პარასკევი (12 ივნისი).

საქართველოს ზოგადსაგანმანათლებლო სკოლებში პირველი და დამამთავრებელი კლასის მოსწავლეებისათვის სასწავლო წელი დასრულდება 2015 წლის 20 მაისს. თუ აღნიშნული თარიღი ემთხვევა უქმე ან დასვენების დღეს, სასწავლო წელი დასრულდება 20 მაისამდე პირველი სამუშაო დღეს.

ზამთრის არდადეგები დაიწყება 2014 წლის 30 დეკემბრიდან და გაგრძელდება 2015 წლის 14 იანვრის ჩათვლით.

ანგელა მერკელი - ნატო უკრაინაში არსებული ვითარების მშვიდობიანი დარეგულირების გზებს ეძებს

გერმანიის კანცლერის ანგელა მერკელის განცხადებით, ნატო უკრაინაში არსებული ვითარების მშვიდობიანი დარეგულირების გზებს ეძებს. ამის შესახებ ინფორმაციას უკრაინული მედია ავრცელებს.

„ჩვენ უკრაინული კრიზისის მშვიდობიანად გადაჭრა გვინდა და მზად ვართ ამის თაობაზე რუსეთთან მოლაპარაკებებზე“, - განაცხადა ანგელა მერკელმა უელსის სამიტზე.

გერმანიის კანცლერმა ასევე ხაზი გაუსვა რუსეთისთვის მომავალი სანქციების დაწესების მზაობას. მისივე თქმით, რუსეთის წინააღმდეგ დამატებითი სანქციების დაწესებით, დასავლეთი მზად არის გააძლიეროს პოლიტიკური მოთხოვნები.

ნატო-ს სამიტზე ალიანსის წევრმა-ქვეყნებმა მხარი დაუჭირეს უკრაინის სამშვიდობო გეგმას და მოუწოდეს რუსეთს, შეცვალოს სამხედრო ინტერვენციის კურსი და შეაჩეროს სეპარატისტთა მხარდაჭერა აღმოსავლეთ უკრაინაში ვითარების დეესკალაციისთვის.

მთავრობამ არასტანდარტული ვაშლის სუბსიდირების პროექტი მოიწონა

მთავრობამ დღევანდელ სხდომაზე არასტანდარტული ვაშლის სუბსიდირების პროექტი მოიწონა და დაამტკიცა, - ამის შესახებ მთავრობის სხდომის დასრულების შემდეგ ჟურნალისტებს სოფლის მეურნეობის მინისტრმა ოთარ დანელიამ განუცხადა.

მისივე თქმით, შესაბამისად დაიწყება ასეთი ტიპის ვაშლის სუბსიდირება სახელმწიფოს მიერ, ფასი კი 10 თეთრით განისაზღვრება.

„მიდგომა არის ზუსტად იგივე, როგორც რთველის შემთხვევაში. იმ შემთხვევაში თუ ჩამბარებული არასტანდარტულ ვაშლს ჩაიბარებს და გადაიხდის 10 თეთრს, მიიღებს 8-თეთრიან სუბსიდირებას სახელმწიფოსგან. ეს მნიშვნელოვნად შეცვლის იმ სურათს, რომელიც წლების მანძილზე იყო. ეს არის უპრეცედენტო, ჯერ ასეთი რამ არ მომხდარა არასდროს“, - განაცხადა სოფლის მეურნეობის მინისტრმა.

კახა კალაძე - „ყაზტრანსგაზში“ ყაზახური მენეჯმენტი დაბრუნდება

ენერგეტიკის მინისტრის კახა კალაძის განცხადებით, „ყაზტრანსგაზში“ ყაზახური მენეჯმენტი უახლოეს მომავალში დაბრუნდება. როგორც მთავრობის სხდომის დასრულების შემდეგ კახა კალაძემ ჟურნალისტებს განუცხადა, ყაზახურ მხარესთან სამუშაო შეხვედრა უკვე ჰქონდათ.

„კიდევ ერთხელ ავუსხენით ჩვენი პოზიცია და მიდგომა, რომ ჩვენ კომპანიას ვუბრუნებთ. ის პრობლემები, რომლებიც ფინანსურ მხარეს ეხებოდა ფინანსთა სამინისტროსთან მოგვარებულია, როდესაც სამუშაო გეგმების მუშაობა დასრულდება, კომპანია გადაეცემა მართვაში“, - განაცხადა კახა კალაძემ.

საქართველო ნატოსგან გაძლიერებული თანამშრომლობის ჰაკეტს მიიღებს

ნატო-ს ლიდერები შეთანხმდნენ საქართველოსთვის გაძლიერებული თანამშრომლობის პაკეტის გადაცემაზე, რომელიც საქართველოს ნატო-ს წევრობისთვის მომზადებაში დაეხმარება. ამის შესახებ ნატოს გენერალურმა მდივანმა ანდერს ფორ რასმუსენმა ნატოს სამიტზე, უელსში განაცხადა. მისივე თქმით, ნატო-ს ლიდერები შეთანხმდნენ საქართველოს, იორდანისა და მოლდოვასთვის თავდაცვითი შესაძლებლობების შექმნის ინიციატივის გაფართოებაზე. მან ასევე თქვა, რომ საქართველო ერთ-ერთია იმ ზუთ ქვეყანას შორის, რომლებიც ნატოსთან თანამშრომლობის დამატებით შესაძლებლობებს ეძიებენ. დანარჩენი ოთხი ქვეყანა ავსტრალია, ფინეთი, იორდანია და შვედეთია. „თითოეული ქვეყნის ნატო-ში წევრობა განიხილება მისი კონკრეტული მიღწევების საფუძველზე. არანაირ მესამე ქვეყნებს არ ექნებათ უფლება ნატო-ს გაფართოებაზე ვეტოს დადების. ყველა კანდიდატს მოუწევს კიდევ უფრო მეტი გააკეთოს სხვადასხვა სფეროში და ჩვენ უზრუნველყოფთ მათ იმ მხარდაჭერით, რომელსაც ისინი საჭიროებენ“, - განაცხადა ანდერს ფორ რასმუსენმა.

გამოკვლევა: ეკრანებთან გატარებული დრო ემოციურ მბრძანებლობას აჩვენებს

ახალი, საკამოდ პრომოკაციული გამოკვლევის თანახმად, ეკრანებთან გატარებული დრო ადამიანის ცხოვრებაში ემოციების ამოცნობას უწყობს. გამოკვლევა „სინკინატივი“ მნიშვნელოვან ნაპოვნებს იწვევს. მათგან, გამოკვლევის თანახმად, რაც მეტ დროს ატარებენ ციფრულ მედიასთან, მით უფრო მეტად უარესდება მათი სოციალური უნარები.

ბლოგ „ჰაფინგტონ პოსტს“ მოაქვს კვლევის თანახმად, კალიფორნიის უნივერსიტეტის ფსიქოლოგის პროფესორის, დოქტორ პატრიცია გრინფილდის განცხადება, რომ მობილური ტელეფონების და კომპიუტერების ხანგრძლივი გამოყენების ერთ-ერთი შედეგი სხვა ადამიანების ემოციების გაგების უნარის დასუსტება და ემოციების მიმართ მგრძობელობის დაჩაღვანებაა.

თუმცა, „ჰაფინგტონ პოსტის“ თანახმად, კვლევაში ვითარებიდან გამოსავალიც მოცემულია: დროდადრო რამდენიმე დღით ეკრანებიდან მოწყვეტა და ადამიანებთან ინტენსიური, პირისპირ ურთიერთობა სოციალური უნარების განვითარებას უწყობს ხელს.

მკვლევარებმა შექმნიეს კვლევა, რომელიც 51 მეექვსეკლასელი მოხვდა, რომლებმაც ხუთი დღე გაატარეს ბუნების ნიაღში მოქმედ ბანაკში, სადაც აკრძალული იყო ელექტრონული მოწყობილობების გამოყენება. მეორე ჯგუფში მოხვედრილი 54 მეექვსეკლასელი კი ბანაკში არ იმყოფებოდა და დიდ დროს

ატარებდა კომპიუტერებისა და ტელეფონების ეკრანებთან.

ტესტები, რომლებიც ბავშვებს როგორც ხუთდღიანი პერიოდის დაწყების წინ, ისე მის შემდეგ ჩაუტარდათ, მათგან მოითხოვდა ფოტოებსა და ვიდეოკადრებზე ადამიანების მიერ გამოხატული ემოციების ამოცნობას - ეს რეალური სიტუაციები იქნებოდა თუ მსახიობების მიერ განსახიერებული დრამატული სცენა.

როგორც აღმოჩნდა, ბანაკში გატარებული დროის შემდეგ ბავშვებს მნიშვნელოვნად გაუმჯობესდა სახის გამომეტყველების ამოცნობის უნარი. ბანაკში

ემოციების დაახლოებით 26 პროცენტი ამოცნეს სწორად, ბანაკიდან დაბრუნების შემდეგ კი ეს მაჩვენებელი 31 პროცენტი იყო. ამ ინფორმაციას ლოს ანჯელეს ტაიმსი ავრცელებს.

და მაინც, საიდან დაასკვნეს მკვლევარებმა, რომ ბავშვების სოციალური უნარები სწორედ ელექტრონული მოწყობილობების გარეშე გატარებულმა დრომ გაუმჯობესდა და არა, მაგალითად, მათმა მონაწილეობამ ბანაკის ღონისძიებებში?



გაგზავნილ ჯგუფში მოხვედრილმა ბავშვებმა მაჩვენებელი საშუალოდ 14 შეცდომიდან 9 შეცდომამდე დაიყვანეს ფოტოების ტესტში. რაც შეეხება ვიდეოკადრების ტესტს, ბანაკში ნასვლამდე ბავშვებმა

ამ კითხვით „ჰაფინგტონ პოსტმა“ მიმართა კვლევის კიდევ ერთ ავტორს, იაილა ულს, რომელიც კალიფორნიის უნივერსიტეტში ბავშვთა ციფრული მედიაციების უფროსი მკვლევარია.

კითხვას მკვლევარმა იმეილით უპასუხა: „დარწმუნებით ვერ განვაცხადებთ, რომ აქ, მართლაც, საკუთრივ ელექტრონული მოწყობილობების გარეშე გატარებულმა დრომ იმოქმედა და ამას კვლევის ერთ-ერთ სუსტ ასპექტად მივიჩნევთ. მაგრამ, ჩვენი რწმენით, იმის გამო,

რომ ელექტრონულ მოწყობილობებს არ იყენებდნენ, ბანაკის მონაწილეებს მეტი დრო ჰქონდათ ერთმანეთთან პირისპირ ურთიერთობისთვის და, სავარაუდოდ, სწორედ ამან გამოიწვია მათი სოციალური უნარების გაუმჯობესება. ... გამოკვლევამ დაადასტურა ის, რასაც ბევრი მშობელი ინტუიციით ისედაც ხვდებოდა.“

მკვლევარი დასძენს, რომ, ამ ახალი კვლევის შედეგების ფონზე, იმ მოზარდების მშობლებმა, რომლებიც ძალიან დიდ დროს ატარებენ ტექნიკასთან, უფრო მეტი ძალისხმევა უნდა მოახმარონ ამ დროის შემცირებას და უნდა ეცადონ იმის უზრუნველყოფას, რომ ოჯახის წევრებს შორის ელექტრონული მოწყობილობების გარეშე, პირისპირ ურთიერთობა ხშირი იყოს.

გამოკვლევა 15 აგვისტოს გამოქვეყნდა ელექტრონულ ჟურნალში Computers in Human Behavior.

„კაზანტიპით“ დაზარალებულები

„კაზანტიპის“ ხმაურიანი ფესტივალი ხმაურიანად დასრულდა. პროექტში მონაწილეობა იმაზე ბევრად ნაკლებმა ადამიანმა მიიღო, ვიდრე ორგანიზატორები ელოდნენ. თუმცა ამბობენ, რომ ფინანსური დანაკარგების მიუხედავად, პირველი მცდელობისთვის პროექტმა მაინც გაამართლა. ადგილობრივებში კი, ვინც უშუალოდ ფესტივალის ვიზიტორებს მასპინძლობდა, აზრთა სხვადასხვაობაა - ერთი ნაწილი კმაყოფილია და მოგებას ითვლის, მეორე ნაწილი კი ვალებზე საუბრობს.

ფინანსური პრობლემების ძირითადი მიზეზი ფესტივალის სტუმრების სიმცირე იყო - „რესპუბლიკის“ ხელმძღვანელობა ანაკლიაში ბევრად მეტ სტუ-

ცოტა ხნის წინ „კაზანტიპით“ დაზარალებულებმა ანაკლიის ცენტრში საპროტესტო აქციაც გამართეს. მათი განცხადებით, ტურისტულმა კომპანია „ჯორჯია ოქეი“ ხელშეკრულების პირობები დაარღვია და მათ კუთვნილი თანხა არ აუნაზღაურა. ხელშეკრულების თანახმად, კომპანია წინასწარ შერჩეული სახლის მფლობელებს დამსვენებლებს მიუყვანდა, თანხას კი „კაზანტიპის“ დასრულების შემდეგ აუნაზღაურებდა.

ელზა ჭანტუაძე, ანაკლიის მკვიდრი: „20 სტუმრის ჩამოყვანას დამპირდნენ და მხოლოდ 12 ჩამოვიდა. სტუმრების ამ რაოდენობაზეც თანხის მხოლოდ ნაწილი გადამიხადეს. არადა

ვრო და ვინმე ქართველი, ჩვენებური მომიყვანო. ამიტომ, იმ ოჯახებში, სადაც თავიდან დაახლოებით 20 ადგილი დავითვალეთ, მაქსიმუმ 10 ვიზიტორი შევიყვანე.“ ზოგი პირდაპირ მეუბნებოდა, ოჯახი მყავს და არ მინდა ვინცა არანორმალურები შემოვიყვანო, ზოგმა მეზობლების სალაპარაკო არ მინდა გაგხდო. ფესტივალს ძალიან ცოტა ქართველი დაესწრო და ყველასთან როგორ უნდა გადაემხანო? არადა, თუ ერთი უკრაინელი ან რუსი სტუმარი დღე-ღამეში 70 ლარს იხდიდა, ქართველმა 30 გადაუხადა... თითქმის ყველა ადგილობრივს სტუმრების მასპინძლობის თანხა წინასწარ გადაუხადეთ. შემდეგ რაღაც გაუთვალისწინებელი შემთხვევები მოხდა: იყო შემთხვევა რომ დამსვენებლები ადრე წავიდნენ, ისეთი შემთხვევაც იყო, რომ გოგონამ ხელი მოიტეხა „როლიკებზე“ სეირნობისას და მისი თანხა დავიბურნეთ“-ყვებიან ფესტივალის ორგანიზატორები.

ტურისტულ კომპანია „ჯორჯია ოქეი“ კი აცხადებენ, რომ ყველა ადგილობრივს წინასწარი შეთანხმებით გათვალისწინებული თანხა უკვე გადასცეს და შესაბამისად, უკმაყოფილების მიზეზი არ არსებობს.

კაზანტიპის თაობაზე განმარტება ხელისუფლების წარმომადგენელმაც გააკეთა:

„კაზანტიპი“ მდარე ხარისხის ფესტივალია, რომელმაც საქართველოში არ გაამართლა, - ამის შესახებ ჟურნალისტებს ეკონომიკის მინისტრმა და ვიცე პრემიერმა გიორგი კვირიკაშვილმა განუცხადა.

მისივე აზრით, ანაკლიის განვითარებისთვის სახელმწიფოს გაცილებით დიდი შესაძლებლობები აქვს.

„ვერ გეტყვით, ეს ფესტივალი გაგრძელდება თუ არა. გეტყვით, რომ

მოლოდინები იყო გაზვიადებული, რაც არასწორი იყო ცალკეული პირების მხრიდან. ვფიქრობ, რომ ჩვენ ძალიან ბევრი შესაძლებლობა გვაქვს, რათა ანაკლიის განვითარება მოვახდინოთ და იქ ჩავატაროთ გაცილებით ხარისხიანი ფესტივალი. ამ ფესტივალს განსაკუთრებული როლი არ უნდა მივანიჭოთ. რა თქმა უნდა, ეს არის გემოვნების საკითხი, თუმცა პირადად მე ვფიქრობ, რომ ეს არ არის მალალი ხარისხის ფესტივალი“, - აღნიშნა კვირიკაშვილმა.

მისივე თქმით, სახელმწიფოს შეუძლია სხვა გზებით ნაახალისოს ზღვისპირეთის ტურიზმი და სხვანაირად დაეხმაროს იმ ადამიანებს, ვისაც აქეთ სურვილი, რომ ამაში იყვნენ ჩართულნი, თუმცა დაბრალება ეკონომიკის სამინისტროზე, რომ ვინმესთვის ხელი შეგვეშალა, არ ყოფილა.

„კაზანტიპი“ არის ძალიან მდარე ხარისხის ფესტივალი, რომელმაც არ გაამართლა. ადგილობრივ კულტურაში ფეხი ვერ მოიკიდა. ამით ჩვენ არც ურჩხული გაგვიკეთებია და არც გვიტყვამს, რომ ფესტივალთა აშენდებოდა ქვეყანა“, - განაცხადა გიორგი კვირიკაშვილმა. ეკონომიკის მინისტრის განმარტებით, „ჩვეულებრივი ამბავია, რომ ამ ბიზნესმა საქართველოში ვერ გაამართლა“. „ალბათ, უკეთესი გათვლები უნდა გაეკეთებინათ“, - აღნიშნა მინისტრმა.

ინგა შილაშვილი



მარს ელოდა. არსებული მონაცემებით, ფესტივალს დაახლოებით 12 ათასი ვიზიტორი ესტუმრა, მათი დიდი ნაწილი სიძვირის და სხვა, არადაამაკმაყოფილებელი პირობების გამო, მალევე ტოვებდა ანაკლიას.

ბუნებრივია, რომ სტუმრების სიმცირემ უკმაყოფილება გამოიწვია ადგილობრივ მოსახლეობაში. ამას ემატება ის პრობლემები, რომელიც მოსახლეობის ნაწილს ტურისტულ კომპანია „ჯორჯია ოქეისთან“ შეექმნა. ადგილობრივები ამბობენ, რომ აღნიშნულმა კომპანიამ მათ კუთვნილი თანხა არ გადაუხადა და ეს მაშინ, როცა ვიზიტორების მოლოდინში ბანკიდან სესხი აიღეს და შესაბამისი პირობების მოწყობას მოახმარეს. აღებული კრედიტებით სახლი გაარემონტეს.

დიდი მოლოდინი გვქონდა. ახლა თხილის იმედი მაქვს, ბანკის ვალი მაინც რომ გავისტუმრო. ჩემ დღეში ბევრი ადამიანია“.

ადგილობრივები ამბობენ, რომ ფესტივალს ცუდი პიარი ჰქონდა, ამიტომ საზოგადოების აზრის გათვალისწინება მოუხდათ და დამსვენებლებს დიდი სიფრთხილით არჩევდნენ. ფესტივალის ერთ-ერთი ორგანიზატორი ამბობს, რომ ადგილობრივების უმრავლესობას ერჩივნა ბინა ქართველებისთვის მიექირავებინა, რათა ზედმეტი ხმაური და მითქმა-მოთქმა აერიდებინათ თავიდან.

„აქციებისა და წინააღმდეგობების ფონზე, ძალიან ბევრმა მითხრა უარი უკრაინელების და რუსების მიღებაზე. თითქმის ყველა მეუბნებოდა: ხვალ და ზეგ ისევ აქ, ამ ადგილას უნდა ვიცხო-



ნატოს სამიტი და საქართველო

(პირველი გვერდიდან)

რამდენად ოპტიმისტურია ექსპერტების განცხადება საქართველოში, როგორ უნდა გავაძლიეროთ მუშაობა MAP-ისთვის და რა მექანიზმებით უნდა შეაჩეროს ქვეყანამ რუსეთის მხრიდან სავარაუდო აგრესია, უკრაინაში მიმდინარე მოვლენების ფონზე?

უელსის სამიტის კვლადკვალ გაძლიერდება საქართველოს თავდაცვისუნარიანობა და ქვეყანა კიდევ უფრო დაცული გახდება - ამ შინაარსის განცხადებები, დეტალების დაკონკრეტების გარეშე, ბოლო დღეებში საქართველოს ხელისუფლების არაერთმა წარმომადგენელმა გააკეთა და გარკვეულწილად სწორედ ამაზე მიახლოებებს ნატოს ლიდერთა ცალკეული კომენტარებიც.

განსაკუთრებული მნიშვნელობა ამ მხრივ ენიჭება საქართველოს მთავარი სტრატეგიული პარტნიორი ქვეყნის, შვედეთის შტატების პრეზიდენტის, ბარაკ ობამას მიერ 3 სექტემბერს, ესტონეთში ვიზიტის დროს წარმოთქმულ სიტყვებს, როდესაც პრეზიდენტი ალიანსის წევრი და პარტნიორი სახელმწიფოების თავდაცვისუნარიანობის სიმტკიცეზე ლაპარაკობდა. „მეტი უნდა გავაკეთოთ ნატოს სხვა პარტნიორების, მათ შორის, საქართველოსა და მოლდავეთის დასახმარებლად, რათა გავაძლიეროთ ასევე მათი თავდაცვის უნარი“, - თქვა ობამამ ტალინში და მის ამ სიტყვებს მქუხარე ტაშიც მოჰყვა.

ოდნავ უფრო ადრე, კერძოდ, 1 სექტემბერს, საქართველოსთვის შესათავაზებელი "არსებითი

პაკეტის" გარშემო საუბრისას, ნატოს გენერალურმა მდივანმა ანდერს ფოგ რასმუსენმა ძირითადი ელემენტები ჩამოთვალა და ამ ჩამონათვალში საქართველოს განსაკუთრებული ყურადღება მიიპყრო ერთმა კონკრეტულმა დეტალმა:

"სამხედრო წვრთნები ასევე შესაძლებელია ჩატარდეს საქართველოშიც - იმ კონკრეტული მიზნით, რომ ამ წვრთნებში ჩართული იყვნენ ნატოს პარტნიორები. ჩვენ ასევე განვიხილავთ საქართველოში სამხედრო სანვრთნელი ცენტრის შექმნის საკითხს - იმავე კონკრეტული მიზნით, რომ მასში ჩაერთონ ნატოს პარტნიორები. შესაძლოა ამ სანვრთნელ ცენტრს რეგიონალური მნიშვნელობა მიენიჭოს."

"უელსში ჩვენი შეხვედრა ამ კვირამი სახეცვლილ მსოფლიოს პირობებში ტარდება. სამიტი პასუხს გასცემს შეცვლილი მსოფლიოს გამოწვევებს. შესაბამისად, მე იმედი მაქვს, რომ ეს სამიტი გადამწყვეტი მნიშვნელობისა გახდება ნატოს ისტორიაში".

ანდერს ფოგ რასმუსენის თქმით, უელსის 4-5 სექტემბრის სამიტზე დადასტურდება, რომ ალიანსი არის მზად, შესწევს უნარი და აქვს ნება, რომ ნებისმიერი თავდასხმისაგან დაიცვას ყველა თავისი მოკავშირე. ამ კონტექსტში ნატოს წარმავალმა გენმდივანმა ასახა ნატოს მზადყოფნის სამოქმედო გეგმა (Readiness Action Plan), რაც ალიანსს, როგორც არასდროს, ისეთ სიცოცხლისუნარიანს გახდის:

"მზადყოფნის სამოქმედო გეგმა პასუხია რუსეთის აგრესიულ ქმედებაზე. ამასთან, იგი

ალიანსს შეაიარაღებს იმისათვის, რომ გაუმკლავდეს უსაფრთხოების ყველა გამოწვევას იქ, სადაც ისინი იჩენენ თავს".

ნატოს უელსის სამიტის წინა პრესკონფერენციაზე, 1 სექტემბერს, ანდერს ფოგ რასმუსენი შეხვდა საქართველოსა და უკრაინის საკითხს. ალიანსი მზად არის უკრაინის ნატოში განწევრების საკითხს დაუბრუნდეს მას შემდეგ, რაც ქვეყნის ხელისუფლება შეცვლის ამჟამად არსებულ ბლოკარემე ქვეყნის სტატუსს, საქართველოს კი ნატოს გენერალური მდივანი თავდაცვის შესაძლებლობათა განვითარების მისიისა და რეგიონალური განზომილების სავარაუდო სანვრთნელი ცენტრის შექმნას შეპირდა:

"ჩვენ საქართველოში შევქმნით, როგორც ჩვენ ვუნდებთ, თავდაცვის შესაძლებლობების განვითარების მისიას, რომელიც უპირატესად ფოკუსირებული იქნება თავდაცვის სამინისტროზე და საქართველოს თავდაცვისა და უსაფრთხოების სფეროების რეფორმების გაგრძელებასა და მოდერნიზებაში დაეხმარება".

2008 წლიდან მოყოლებული, საქართველოს თავდაცვისა და უსაფრთხოების სფეროები განუწყვეტელი დაკვირვების ქვეშ არის ნატოს მხრიდან, რომელიც საქართველოსთან განწევრების სამოქმედო გეგმის ერთგვარი სუროგატის, ყოველწლიური ეროვნული პროგრამის ფარგლებში პერმანენტულად გზავნის შეფასების მისიებს. საბოლოო ჯამში, ჩრდილოატლანტიკური საბჭო ყოველთვის წარმატებით აფასებდა და სხვა პარტნიორი წევრი ქვეყნებისთვის საინფორმაციო და ციფრული მიწინავე საქართველოს მიერ თავდაცვის სფეროს რეფორმირებისა და მოდერნიზების კუთხით ნაჩვენებ პროგრესს.

შესაბამისად, იბადება შეკითხვა: რამდენად რელევანტურია თავდაცვის შესაძლებლობათა განვითარების მისიისა და მხოლოდ ნატოს პარტნიორი ქვეყნების მონაწილეობით სავარაუდო სანვრთნელი ცენტრის შექმნა ქვეყნისათვის, რომელიც მესხეთე წელია ელოდება ნატოში განწევრების მკაფიო საგზაო რუკის - განწევრების სამოქმედო გეგმის - მიღებას.

სამხედრო-ანალიტიკური ჟურნალ „არსენალის“ მთავარი რედაქტორი ირაკლი ალადაშვილი მიესალმება, თუმცა მას, უკრაინაში მიმდინარე მოვლენების ფონზე, ამგვარი შემოთავაზება დროში გაჭიანურებულად მიაჩნია და ამბობს, რომ ის სა-

ქართველოსთვის მნიშვნელობით, უბრალოდ, ვერ ჩაანაცვლებს განწევრების სამოქმედო გეგმას - MAP-ს:

"კი, ეს გააძლიერებს საქართველოს პარტნიორობას ნატოსთან, მაგრამ ის, ჩვენ რაც გვინდა, ანუ ნატოს მხრიდან ჩვენი უსაფრთხოების დაცვის რეალური პრაქტიკული ნაბიჯები, ეს ცენტრი ამ ეტაპზე ამას ვერ შეცვლის... საუბარია დღეებზე და თვეებზე, ისე სწრაფად იცვლება სიტუაცია... და სანამ ცენტრი აშენდება, სანამ ის ფუნქციონირებას დაიწყებს, ეს რეალური გამოსავალი არ არის ამ ეტაპზე. მშვიდობიანობის დროს ეს შეიძლება უფრო მნიშვნელოვანი ყოფილიყო, მაგრამ ახლა მოქმედებაა საჭირო, მეტი არაფერი... ეს, რა თქმა უნდა, არ ცვლის არც MAP-ის მოცემას და არც ნატოს სრულყოფილებიან წევრობას".

სტრატეგიულ გამოკვლევათა ცენტრის დირექტორი ირაკლი მენაღარიშვილი არ იზიარებს აზრს, თითქოს არსებითი პაკეტში" შემავალ კომპონენტებს ნატო საქართველოს MAP-ის საანაცვლოდ, ერთგვარი მანუგეშებელი ჯილდოს სახით სთავაზობდეს. ანალიტიკოსი თვლის, რომ MAP-ს ამ ეტაპზე ალიანსი საქართველოს იმის გამო არ ანიჭებს, რომ ობიექტურად საქართველო არ არის ამისთვის მზად და რომ ამასი გასაკვირი არაფერია. დანარჩენს კი, რაც ახლა ხდება, ირაკლი მენაღარიშვილი ალიანსის თანმიმდევრული გეგმების ჯაჭვში განიხილავს:

"ნატოს აქვს ადრეული ვალდებულება საქართველოს, როგორც პარტნიორის, წინაშე, რომ გააძლიეროს მისი თავდაცვისუნარიანობა. ეს ვალდებულება მას ყველა პარტნიორთან აქვს, ხოლო საქართველო ამ პარტნიორთა რიგში, მართლაც, ერთ-ერთი გამორჩეულია - მის მიერ შეტანილი წვლილითა და ერთგულებით თვალსაზრისით... არის თუ არა ეს ნატოს ინტერესი? რა თქმა უნდა, არის. ამით ნატო არა მხოლოდ თავის მოკავშირეებს აძლიერებს სამხედრო თვალსაზრისით, არამედ, დემოკრატიული პრინციპების გაძლიერების გზით, ყოფილ კომუნისტურ სივრცეში იმ ღირებულებებს აფუძნებს, რომელზეც თითონ არის დამკვიდრებული".

ირაკლი მენაღარიშვილი დარწმუნებულია, რომ ეს არ არის წერილ მოგებაზე ორიენტირებული მიზანი, არამედ "ეს არის ღირსეული მიზანი ღირსეული ალიანსისა". მაგრამ საქართველო, რომელიც მუდმივად ადას-

ტურებს ერთგულებას ევროპული და ევროატლანტიკური ინტეგრაციის უალტერნატივო არჩევანის მიმართ, მოკლევადიან პერსპექტივაში რუსეთის სავარაუდო აგრესიის შემაკავებელ მექანიზმებს საჭიროებს. ირაკლი მენაღარიშვილი დეტალების დაკონკრეტებისგან თავს იკავებს, თუმცა დარწმუნებულია, რომ უელსის სამიტის კვლადკვალ საქართველოს თავდაცვისუნარიანობის გასაძლიერებელი კონკრეტული ღონისძიებები გამოიკვეთება.

ასეთი ნაბიჯების ხილვას ყოფილი თავდაცვის მინისტრი, ეროვნული უშიშროების საბჭოს მდივნის ყოფილი მოადგილე ბათუ ქუთელიაც იმედოვნებს. როგორც ის ჩვენთან საუბარში აღნიშნავს, თავდაცვითი სისტემების მონოდედა ორმხრივ ფორმატში უფრო შეერთებული შტატებისგან არის მოსალოდნელი:

"ასეთი შემაკავებელი ფაქტორი შეიძლება იყოს საქართველოს შეიარაღებული ძალებისთვის დამატებით საჭირო თავდაცვის, ანტისატანკო და ანტიმოზილური სისტემების გადაცემა და ამ სისტემების აქტიურად ჩართვა რეგიონალური უსაფრთხოების ფორმატშიც. ნატოს ფარგლებში არის როგორც მრავალმხრივი თანამშრომლობის ფორმატები, ასევე არის ორმხრივი თანამშრომლობის ფორმატები. ორმხრივ ფორმატში შესაძლოა უფრო სწრაფად და დაჩქარებულად მოხდეს, მაგალითად, გარკვეული შესაძლებლობების გადმოცემა საქართველოსთვის - მაგალითად, საჰაერო და ანტისატანკო სისტემების აშშ-თან ორმხრივი თანამშრომლობის ფორმატში. ეს იქნება ასევე ძლიერი პოლიტიკური გზავნილი რუსეთის ფედერაციის მისამართით".

დაბოლოს, კიდევ ერთი ინფორმაცია: პრეზიდენტ ობამას ესტონეთში ვიზიტის შემდეგ CNN-მა, უკრაინის ეროვნული უშიშროებისა და თავდაცვის საჭოს ცნობებზე დაყრდნობით, გაავრცელა ინფორმაცია სექტემბრის ბოლოსთვის უკრაინის ტერიტორიაზე მრავალეროვანი სამხედრო წვრთნების ჩატარების თაობაზე. წინასწარი ინფორმაციით, პროცესში ჩართული იქნება 200 ამერიკელი სამხედრო და კიდევ 1000 სამხედრო უკრაინიდან, აზერბაიჯანიდან, ბრიტანეთიდან, კანადიდან, საქართველოდან, გერმანიიდან, ლატვიიდან, ლიტივიდან, მოლდავეთიდან, ნორვეგიიდან, პოლონეთიდან, რუმინეთიდან და ესპანეთიდან.



ყურადღება

დედოფლისწყაროს საგანმანათლებლო და კომანიტარული ქარკო სსსწავლებელი ასხადებს მიღებას 2014-2015 სასწავლო წლისთვის შემდეგ სახეობებში:

- მედიის საქმი;
- სამეანო საქმი;
- ფარმაცია;
- ორთოპედული სტომატოლოგია;
- სამართალმცოდნეობა;
- უცხო ენა;
- დანერგვითი ბანათობა;
- გიგანის მენეჯმენტი;
- ფინანსები და ეკონომიკა (საბუღალტრო);
- ლაგორატორიული დინამოსტიკა;
- ჟურნალისტიკა;
- ვებინარია;

სწავლა ფასიანია. სწავლებლად მიიღებიან 9, 10, 11 და 12 კლასდამთავრებულები. სწავლების ვადა 2 წელი. ჩარიცხვა გასაუბრებით! საბუთების მიღება დაიწყო 26 აგვისტოდან. საჭიროა წარმოადგინოთ: განათლების დამადასტურებელი დოკუმენტის ასლი, 4 ფერადი ფოტოსურათი (ზომით 3/4) და პირადობის მოწმობის ასლი.

მისამართი: ქ. დედოფლისწყარო, კოსტავას ქ. №32 (დედოფლისწყაროს არქივის შენობა, მეორე სართული).

საკონტაქტო
0356 22 52 73; 599 74 73 98.

ულოცავენ!

კლარა ოსაუვილს!
გუგული ალადაუვილს!

ჩვენო კეთილი და სათნო მეზობელი, გულით და სულით გილოცავთ წარმატებული დედოფლისწყაროელის ტიტულის მინიჭებას. ნამდვილად ღირსი ხართ ამ ტიტულის. კვლავ დიდხანს სიცოცხლეს და ტკბილ სიბერეს გისურვებთ თქვენს ლამაზ ოჯახთან ერთად.

ვსარგებლობთ შემთხვევით და თქვენს შვილიშვილს, **თორნიკე ალადაუვილს** ვულოცავთ თბილისის სახელმწიფო სამედიცინო უნივერსიტეტში ჩარიცხვას 100%-ანი დაფინანსებით. ვუსურვებთ ჯანმრთელობას, დღეგრძელობას, წარმატებებს სწავლასა და პირად ცხოვრებაში.

პატივისცემით:
ნანა მანჯავაძე-რაჟიანი, თეატრის, ქართი და ჟანა ჯალაღანიანი

კლარა ოსაუვილს!
გუგული ალადაუვილს!

გვიხარია, რომ ბედნიერი პაპა-ბებია ხართ: ექვსი შვილიშვილი გყავთ და ერთი-ერთმანეთზე უკეთესები, გულს რომ უხარია და ეამაყება, სწორედ ისეთები- ლამაზები, ჭკვიანები, გონიერები, მიზანსწრაფილები და... ბებიასავით იბღიანები. უფლის წყალობა არ მოაკლდეს თითოეულ მათგანს.

კიდევ ერთი წარმატებით გაიხარა თქვენმა გულმა ამ ზაფხულის მინურულს: თორნიკე თბილისის სახელმწიფო უნივერსიტეტის სტუდენტი გახდა ასპროცენტიანი დაფინანსებით. ვულოცავთ **თორნიკეს**, მის მშობლებს - **ალბა ალადაუვილს** და **რუსუდან ბალსამიშვილს** და გილოცავთ თქვენ. სულ წარმატებული იყოს მისი ცხოვრება.

პატივისცემით, თქვენი „შირაქელი“.

ყურადღება!

იყიდება რესტორანი "შუა ქალაქი" ქ.დედოფლისწყარო, ფალიაშვილის ქ.№5 (ყოფილი "კეტჩის" ტერიტორია) საკონტაქტო ტელეფონი: 599 67 77 99

ყურადღება!

თუ თქვენ მეტყველების პრობლემა გაქვთ და ლოგოპედი გჭირდებათ, შეგიძლიათ დარეკოთ **თელეფონზე 591 93 73 10 ან 593 96 10 66** და იკითხოთ ირინა, თქვენ შელავათიან ფასად მოგემსახურებათ დედაქალაქში თერთმეტწლიანი მუშაობის გამოცდილების მქონე, კვალიფიციური სპეციალისტი, რომელიც დაგეხმარებათ მეტყველების ნებისმიერი დარღვევის დაძლევაში.

სტიქია დედოფლისწყაროში

4 სექტემბერს ღამით, დაახლოებით 21:30 საათზე ძლიერმა ქარმა დედოფლისწყაროში მრავალბინიან კორპუსს სახურავი გადახადა. როგორც თვითმხილველებმა გაზეთ „შირაქს“ აცნობეს დაზიანებულია ქალაქ დედოფლისწყაროში ჰერეთის ქუჩაზე მდებარე მრავალსართულიანი კორპუსი. გადახდილი სახურავი შენობასთან მდგარ ავტომანქანებს დაეცა, რის შედეგადაც რამდენიმე ავტომობილი დაზიანდა.



შემთხვევის ადგილზე მობილური იყვანეს სამართალდამცველები და სახანძრო-სამაშველო სამსახურის ეკიპაჟები. ადგილზე მივიდნენ დედოფლისწყაროს გამგებელი ნიკოლოზ ჯანიაშვილი და საკრებულოს თავმჯდომარე ზვიად ჯავახიშვილიც. დედოფლისწყაროს გამგებლის განცხადებით, დაზიანებული სახურავის შეკეთება იმავე დღეს დაიწყო, ხოლო მოხდება თუ არა დაზარალებული ავტომობილების მეპატრონეების დახმარება ჯერჯერობით უცნობია.

თავის მხრივ ზარალის ანაზღაურებას ითხოვენ სტიქიით დაზარალებული ავტომანქანების მფლობელებიც. ისინი ხელისუფლებისგან კომპენსაციის გაცემას მოითხოვენ.

„ნანილობრივ გადახდა სახურავი, ყველა სამსახური ადგილზეა, მთავარია არავინ დაზარალებულა და ვეცდებით სტიქიას გავუმკლავდეთ და ხარვეზები დროულად აღმოიფხვრას,“ — განაცხადა ნიკოლოზ ჯანიაშვილმა.

დაზარალებულების განმარტებით, ამ კორპუსის სახურავი რამდენიმე წლის წინ მთლიანად გამოიცვალა, თუმცა ამის მიუხედავად სტიქიამ უკვე მესამედ გადახადა. ჩვენი გაზეთის საარქივო მასალების მიხედვით, ამის გამო სამუშაოთა მწარმოებელი კომპანია დაჯარიმდა კიდევც.

ზოგიერთ მონაკვეთში შეწყვეტილი იყო ელექტრომომარაგებაც. როგორც გაირკვა, ძლიერმა ქარმა ელექტროსადენები დაზიანა, რის გამოც დენის მიწოდება შეუწყდა სოფლებს არბოშის, ზემო მაჩხაანს, მირზაანსა და ოზაანს. უამინდობას ზემოთ აღნიშნული შემთხვევის გარდა, მუნიციპალიტეტის არცერთი ტერიტორიული ერთეულისთვის ზიანი არ მიუყენებია.

იმავე ღამეს ძლიერი ქარი და წვიმა იყო კახეთის თითქმის ყველა რაიონში. დასეტყვია თელავისა და ყვარლის რაიონები, განადგურდა ასობით ჰექტარი ვენახი.

ილია მარტყოფლიშვილი



როგორ უკვირს ყველაზე უიღბლო დღე?

ლონდონის ეკონომიკური სკოლის სპეციალისტებმა გამოთვალეს, რომ კვირის ყველაზე უიღბლო დღე სამშაბათია და არა ორშაბათი, იტყობინება „The Daily Telegraph“-ი.



ამ დასკვნამდე მეცნიერები მას შემდეგ მივიდნენ, რაც დიდ ბრიტანეთში მცხოვრები 20 ათასი ადამიანი გამოკითხეს. გამოკითხვის მონაწილეებს კვირაში ორჯერ თავიანთი ემოციური მდგომარეობის შესახებ ანგარიში უნდა ჩაეზარებინათ. მათ უნდა ეპასუხებინათ, თუ როგორ განწყობაზე იყვნენ. „შე-სახლს ორშაბათი უფრო მოსწონს, რადგან კარგად გატარებული შაბათ-სუხათ კითხვებზე, თუ სად და როგორ განწყობაზე იყვნენ.“

კვირის შესახებ მეცნიერებამი ჩარჩენილი მოგონებები ჯერ ისევ ახალია. სამშაბათს კი გონება სამუშაოთი იტვირთება და ადამიანები აცნობიერებენ, რომ სანატრელ შაბათ-კვირამდე მთელი კვირაა დარჩენილი“, - აცხადებს გამოკვლევის ერთ-ერთი ავტორი ჯორჯ მაკკერონი.

იყიდება

იყიდება ორსართულიანი ბინა, კარგად განყოფილი, ყველა სათავსოთი, 8 ოთახი მეორე სართულზე, 5 ოთახი პირველ სართულზე. დიდი ეზოთი, ყველანაირი საცხოვრებელი პირობით. ფასი შეთანხმებით 599 35 76 97

ამინდი		დედოფლისწყარო											
ორშაბათი 08.09	სამშაბათი 09.09	ოთხშაბათი 10.09	ხუთშაბათი 11.09	პარასკევი 12.09	შაბათი 13.09	კვირა 14.09	ორშაბათი 08.09	სამშაბათი 09.09	ოთხშაბათი 10.09	ხუთშაბათი 11.09	პარასკევი 12.09	შაბათი 13.09	კვირა 14.09
ღვთისმშობლის დღე	ღვთისმშობლის დღე	ღვთისმშობლის დღე	ღვთისმშობლის დღე	ღვთისმშობლის დღე	ღვთისმშობლის დღე	ღვთისმშობლის დღე	ღვთისმშობლის დღე	ღვთისმშობლის დღე	ღვთისმშობლის დღე	ღვთისმშობლის დღე	ღვთისმშობლის დღე	ღვთისმშობლის დღე	ღვთისმშობლის დღე
☀️	☀️	☀️	☀️	☀️	☀️	☀️	☀️	☀️	☀️	☀️	☀️	☀️	☀️
30°	23°	30°	23°	29°	22°	28°	22°	28°	22°	28°	23°	29°	23°
გამომცემელი შპს „შირაქი“ დირექტორი ინგა შილოაშვილი		სარედაქციო კოლეგია: ლალი მახარაშვილი, ილია მარტყოფლიშვილი (ეურნალისტები); ელა ხარაშვილი (სტილისტ-მწერელი); ნათია გომბაშვილი (ბუღალტერი); ნინო ჯანაშვილი (ოფის-მწვერი); მზია ქანდაძე (დისტრიბუტორი); ზურაბ ბუნაშვილი (კომპიუტერული უზრუნველყოფა).					რედაქციის მისამართი: ქალაქ დედოფლისწყარო, ფროსმანის №18, ტელ. 0 356 22 55-49; 598 72-18-72 (დირექტორი) 591-97-73-26 (რედაქტორი)		რეგისტრირებულია დედოფლისწყაროს რაიონის სასამართლოს მიერ, №6014-468.				
წერილში მოყვანილ ფაქტებსა და ციფრებზე პასუხს ავებს ავტორი.		გაზეთი აიწყო და დაკაბადონდა „შირაქის“ კომპიუტერულ პაზზე. ყოველკვირეული გამოცემა იბეჭდება შ.პ.ს „სამშობლოს“ სტამბაში.											